


Talanga, binobino ni ndelo efuku dya kipandjilo



Talanga, binobino ni ndelo efuku dya kipandjilo

Twina lukalo lwa kipandjilo, atwe boso tubaumbakananga'nka bu Mikoko ilube eshinda, yatwela au dyao au dyao. (Esaya 53:6)

Atwe boso tatudi anka bu bantu be butete, bikitshino byetu bya tumono bu bilulame namu mbilwile anka bu kilamba ki mase a ku kishila ; bubi bwetu abwitwikasha boso anka bu masaki awume aapapulwa na lupapi. (Esaya 64:6)

Takwi mululame suunga umune, suunga ngumune tekwanka ; takwi suunga ngumune ena kinangu, takwi suunga ngumune akimbi Efile-Mukulu ; booso bwabo ni mbalube, babeyikasha banabeene bu bantu ba bisumanga ; takwi muntu akitshi bii buwa, takwi suunga ngumune. Mwanda takwi kwilekena nya, mwanda booso mbalwishe na be kula na ntumbo y'Efile-Mukulu. (Bena Looma 3:11,12,23)

Mwanda muntu akapete makasa kini su aata senga yishima, na akashimisha kikudi kyaye ; suunga'shi muntu akatuusha kini bwa kushintula ku kikudi kyaye ? (Maako 8:36,37)

Eshinda dya kipandjilo

Anka Efile-Mukulu bashinkamisha kifulo kyaye nabeene kwatudi, kwamba'shi : pabatudi tukii balwiishi, Kilisto bafwiile pamwanda weetu. (Bena Looma 5:8)

Na takwi kipandjilo mu ungi muntu;mwanda namu takwi dingi eshina muushi mw'ewulu, dipeebwe munkatshi mwa bantu, byatudya kwikala bapashiibwe kwadidi. Mulami a lukano balungwile Mpolo na Silase'shi : Ba mwanana, nkite kini byandya kupashiibwa ? Na babambile'shi : Kumina Fumu Yesu, ngi okapashiibwa. (Mikitshino 4:12 ; 16:30,31)

Yesu bamulungwile'shi : Ami n'eshinda, n'eyendo, na muwa ; takwi muntu afiki kwi Yaya kushii kukiila kwandji'mi. Eyendo, eyendo, nenulungula'shi : Yawa apusha eyi dyande, na akumiina yawa

bantumine, ena muwa wa yikalayika na takakidi ku kiimu ; anka bakatuka ku lufu. (Yoano 14:6, 5:24) Su atusokola milwisho yeetu, aye mululame na ena kishima mwanda wa kwitulekyela milwisho yeetu na kwitusuula ku bubu booso. (1 Yoano 1 :9)

Talanga binobino ni ndelo efuku dya kipandjilo

Kimbayi Mwanana paakyelesha ; mwitaanyineeyi paki pepi nenu, muntu mubi alekye eshinda dyaaye, naa sha bukitekite atadiile mpango yaaye , alukiile kwi Mwanana, aye amuleshe kifulo kyaye ealushe kwi Mwanana, ee namu akebafwila lusa. (Esaya 55 :6,7)

Byabya Efile-Mukulu bakisha bipindji bya kilwankani, binobino alungula bantu booso'shi, mu ma mbalo oso, belangye ; mwanda mupwe kutuula efuku dikampanda bwa kutshibila senga yishima kiimu mu kululama, kwi muntu abasangwile [ku byabya] bibatushiishe kishinkamisho kikumbane kwi booso, pa kumubuusha ku bafwe. (Mikitshino 17:30,31)

Leelo uno, su nubapusha eyi dyaye, tanukoposhanga mashimba enu. (Bena Ebeleo 4:7)

Nteyi matwi, nufikye kwandji, ntemesheeyi byabya enukekala na muwa. Talanga, binobino ni nkipindji kii buwa : talanga binobino ni ndeelo efuku dya kipandjilo. (Esaya 55:3 ; 2 Bena Kolente 6:2)

Atukapanduka namini, su atubengyeshena kino kipandjilo kibino bukata ? (Bena Ebeleo 2:3)

Fumu Yesu bebambile'shi : Dimukayi, na nwilame ku lwabi looso, mwanda muntu suunga ekala mpeta, muwa waye tawi mu bintu byadi n'abyo nya... Mabala a mpeta abakishiishe bintu bibungi ; na banangushenene munda mwaye'shi : Nkite kini ? Mwanda ntshina mbalo ya kupaka misekye yande. Na bambile'shi : Nankakitshi bino ; nankapongola bisasa byande na ngibakye bikile bukata, na nankemupaka misekye yande na bintu byande ; kunyima

nakeamba'shi : Eshimba [dyande], wena bibungi bibikwe munda mwa bipwa bibungi ; ikishanga, dyanga, tomanga, sepeelanga. Anka Efile-Mukulu bamwambile'shi : Mulotakane ! Anka bunu bufuku kikudi kyobe akikwatshiibwa ; na byabya byoso bibolongamisha, abikeekala byani ? Bi'anka byabya bwa muntu ebikila mono aye nabeene, na shimwikale mpeta muyile'Efile-Mukulu.

(Luuka 12:15-21)

Aku namu kululama na muloo ni makasa akata. (1 Timote 6:6)

Masaka a kipandjilo

Byabya binobino, takwi kupishiibwa suunga kupeela kwi baaba be mu Yesu Kilisto ; mwanda mwiya wa Kikudi kii na muwa mu Yesu Kilisto, ubampososha ku mwiya wa lufu na wa bubu.

(Bena Looma 8:1,2)

Nakekala na kusangala mwanda ee, Efile-Mukulu nyi mupashi ande. (Abakuka 3:18)

Mwanda bufumu bw'EfileMukulu tankudya na kutoma, anka ni nkululama, na kufukama, na muloo mu Kikudi-E-Selele Mwanda yawa afubila Kilisto mu byabya ni mulumbulukye kumpala kw'Efile-Mukulu na mukumiinwe kumpala kwa bantu. Byabya namu, tulondeeyi bintu abifwisha kufukama na byabya abiibaka muntu na muntu. (Bena Looma 14:17-19)

Akanguukisha eshinda adyende ku muwa ; kwi masaka ukata kumpala kobe, muloo wa yikalayika ku mboko yobe ibalume. muabi ngwa mwilo wi na Mwanana buu Efile-Mukulu !

(Loono 16:11, 144:15)